

REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

Në mbështetje të nenit 58 pika h) të Ligjit për Vetëqeverisjen Lokale Nr. 03/L-040, Gazeta Zyrtare e Republikës së Kosovës nr. 28 të datës 4 qershor 2008 dhe nenit 40 pika h) të Statutit të Komunës së Lipjanit 15Nr. 110-78095 i datës 24.12.2021, Kryetari i Komunës, propozon:

Në mbështetje të nenit 12 paragrafi 2 pika c) dhe nenit 40 paragrafi 2 pika a) të Ligjit për Vetëqeverisjen Lokale Nr. 03/L-040, Gazeta Zyrtare e Republikës së Kosovës nr. 28 e datës 4 qershor 2008, nenit 32 par.5 të Ligjit Nr.04/L-179 për Transportin rrugor, Gazeta zyrtare e Republikës së Kosovës nr.21 e datës 13.06.2013 dhe neneve 9 dhe 20 të Statutit të Komunës së Lipjanit 15Nr. 110-78095 i datës 24.12.2021, duke u bazuar edhe në Shkresën- Kërkesën e Ministrisë së Mjedisit, Planifikimit Hapësinor dhe Infrastrukturës për rishqyrtimin e ligjshmërisë, me nr.4868 të datës 12.06.2023, Kuvendi i Komunës në mbledhjen e datës _____ 2023 miraton këtë:

PROPOZIM

RREGULLORE PËR TRANSPORTIN E UDHËTARËVE ME AUTOMJETE TAKSI

I. DISPOZITAT E PËRGJITHËSHME

Neni 1 Qëllimi

Qëllimi i miratimit të Rregullores për transportin e udhëtarëve me automjete taksi (në vazhdim të tekstit: Rregullore) është që Komuna në pajtim me Ligjin Nr.04/L-179 për Transportin Rrugor të krijoj kushte për ofrimin e shërbimeve të transportit të udhëtarëve dhe të rregullojë mënyrën e kryerjes së veprimtarisë të personave fizik dhe juridik të regjistruar për transportin e udhëtarëve me automjete taksi.

Neni 2 Objekti i rregullimit

Me këtë Rregullore përcaktohet objekti i rregullimit, si vijon:

Subjektet për ushtrimin e veprimtarisë së transportit të udhëtarëve me automjete taksi, Licenca dhe kushtet për lëshimin e Licencës, procedura e lëshimit, revokimit dhe e marrjes së të Licencës, caktimi dhe dhënia në shfrytëzim e vendparkingjeve, ushtrimi i veprimtarisë,

evidencat, detyrat për zbatimin e rregullores, masat për mosrespektimin e rregullores, procedura e ankesave, dispozitat përfundimtare dhe dispozitat për hyrjen në fuqi të kësaj rregulloreje.

Neni 3

Subjektet për ushtrimin e veprimtarisë

Në pajtim me Ligjin për Transportin Rrugor dhe me këtë Rregullore, të drejtë për bartjen e udhëtarëve me automjete taksi në territorin e Komunës së Lipjanit kanë personat fizik dhe juridik të regjistruar për kryerjen e veprimtarisë të transportit të udhëtarëve me automjete taksi (në vazhdim të tekstit: Operatorët), të cilët posedojnë Licencën dhe automjetet me të drejtë të shfrytëzimit të vendparkingut të caktuar për automjete taksi.

II. LICENCA DHE KUSHTET PËR LËSHIMIN E LICENCËS

Neni 4

Licenca

1. Licenca është akt me të cilin i lejohe operatorit ushtrimi i veprimtarisë së transportit të udhëtarëve me automjete taksi në territorin e Komunës së Lipjanit sipas kushteve të përcaktuara me Ligjin për Transportin Rrugor dhe me këtë Rregullore.
2. Formën dhe përmbajtjen e Licencës në pajtim me Ligjin dhe me këtë Rregullore e përcakton Drejtorati për Shërbime Publike Mbrojtje dhe Shpëtim.
3. Licenca i lëshohet operatorit – personit fizik për ushtrimin e veprimtarisë të transportit me 1 (një) automjet taksi, ndërsa personit juridik për ushtrimin e veprimtarisë prej tri e më shumë automjeteve.
4. Licenca lëshohet në emër të operatorit dhe në rast të pushimit të veprimtarisë ose revokimit nuk mund të zëvendësohet ose të bartet te personat e tretë.
5. Licencën e lëshon Drejtorati për Shërbime Publike Mbrojtje dhe Shpëtim në kohëzgjatje prej 5 vite, ndërsa tek personat të cilët arrijnë moshën 65 vjeçare licenca i ju lëshohet për aq kohë-vite deri në arritjen e moshës së pensionimit.
6. Për marrjen e Licencës operatorët duhet të plotësojnë kushtet e përcaktuara me nenin 5 dhe 12 të kësaj Rregulloreje.
7. Aplikimi për marrjen e licencës bëhet përmes njoftimit publik.
8. Me rastin e marrjes së licencës operatori fizik është i obliguar ta paguajë taksën prej 30 eurove, ndërsa personi juridik është i obliguar ta paguajë taksën prej 30 eurove për çdo veturë.
9. Operatori auto taksi i cili nuk i ka kryer obligimet ndaj Komunës për pagesën e vendqëndrimit në auto parking nuk ka të drejtë të aplikimit për t'u pajisur me licencë pa i kryer obligimet ndaj Komunës.

Neni 5 Kushtet për licencim

Operatorët për marrjen e Licencës duhet të plotësojnë kushtet në vijim:

- 1.1 Të jenë të regjistruar për ushtrimin e veprimtarisë të transportit të udhëtarëve me automjete taksi,
- 1.2 Të kanë selinë e biznesit në territorin e Komunës së Lipjanit,
- 1.3 Personat fizik të kenë në pronësi automjetin, ndërsa personat juridik të kenë në pronësi së paku 3 automjete,
- 1.4 Automjeti duhet të jetë i regjistruar me 5 ulëse (4+1) dhe së paku 4 dyer (nuk pranohet homologimi ose ndryshimi i ulëseve të automjetit),
- 1.5 Ngjyra e automjeteve mund të jetë e ndryshme me kusht që automjetit t'i vendoset një shirit identifikues me ngjyrë bardhë e zi në formë katrore duke përjashtuar automjetet që operojnë në aeroportin ndërkombëtar "Adem Jashari" të cilat duhet të jenë të ngjyrosura vetëm me ngjyrën e bardhë.
- 1.6 Drejtuesit e automjeteve të posedojnë patentë shoferin për kategorinë "B" dhe së paku 5 vite përvojë në drejtimin e automjetit, ndërsa të punësuarit te personi juridik edhe kontratën e punës,
- 1.7 Operatorët të cilët operojnë auto taksi në qytetin e Lipjanit duhet të kenë automjetin me vitin e prodhimit jo më të vjetër se viti 2005 ndërsa operatorët të cilët operojnë në Aeroportin Ndërkombëtar "Adem Jashari" duhet të kenë automjetin me vitin e prodhimit jo më të vjetër se viti 2010.
- 1.8 Përparësi për t'u pajisur me licencë në kushte të barabarta do të kenë operatorët të cilët kanë ushtruar veprimtarinë taksi.
- 1.9 Automjetet të cilat e bëjnë djegijen me gas nuk mund të ushtrojnë veprimtarinë auto taksi.

III. PROCEDURA E LËSHIMIT, REVOKIMIT DHE E MARRJES SË LICENCËS

Neni 6 Njoftimi publik

1. Kryetari i Komunës merr vendim për shpalljen e njoftimit publik për dhënien e licencave dhe formon Komisionin për shqyrtimin e aplikacioneve të operatorëve dhe verifikimin e automjeteve. Komisioni të jetë në përbërje prej 5 anëtarëve.
2. Shpallja e njoftimit publik për dhënien e licencave për personat fizik bëhet çdo pesë vite ndërsa për plotësimin e vendeve të lira mund të shpallet edhe më herët por jo më shumë se një herë brenda vitit kalendarik.
3. Shpallja e njoftimit publik për dhënien e licencave për personat juridik mund të bëhet sipas nevojës dhe kërkesave por jo më shumë se një herë brenda vitit kalendarik.
4. Njoftimi publik shpallet në faqen elektronike të Komunës dhe në një gazetë ditore.

Neni 7 Dokumentacioni për licencim

Operatorët të cilët aplikojnë për marrjen e licencës, aplikacionit duhet t'i bashkëngjesin dokumentacionin, si vijon:

- 1.1 Certifikatën mbi regjistrimin e biznesit,
- 1.2 Informatat mbi të dhënat e biznesit,
- 1.3 Fotokopjen e Certifikatës së regjistrimit të automjetit,
- 1.4 Për drejtuesit e automjeteve fotokopjen e patent shoferit për kategorinë "B", ndërsa për të punësuarit edhe kopjen e kontratës së punës,
- 1.5 Vërtetimi nga Policia mbi të kaluarën kriminale të operatorit dhe vozitësit te personat juridik.

Neni 8 Shqyrtimi i aplikacioneve

Komisioni për shqyrtimin e aplikacioneve të operatorëve sipas njoftimit publik, në afat prej 45 dite nga dita e pranimit të vendimit për formimin e komisionit, shqyrton aplikacionet, verifikon automjetet dhe harton Raportin me listën e operatorëve të cilët i plotësojnë kushtet për dhënien e Licencës, të cilin ia dërgon Drejtoratit për Shërbime Publike Mbrojtje dhe Shpëtim.

Neni 9 Revokimi dhe marrja e Licencës

1.Për revokim, ndërprerje të afatit dhe marrje të licencës vendos Drejtorati për Shërbime Publike Mbrojtje dhe Shpëtim.

2. Licenca do të revokohet nëse vërtetohet se Operatori për marrjen e licencës ka prezentuar dokumentacion i cili nuk përkon me gjendjen reale.

3. Licenca do të pushojë të vlejë, në rastet në vijim:

3.1 Me kërkesë me shkrim të operatorit,

3.2 Me rastin e vdekjes së personit fizik ose shuarjes së veprimtarisë së personit juridik,

3.3 Kur Drejtorati, vërteton se operatori gjatë ushtrimit të veprimtarisë më nuk i plotëson kushtet nga nenet 5 dhe 12 të kësaj rregulloreje.

4.Drejtorati për Inspeksion – Inspektorët e trafikut, konform këtij neni, gjatë mbikëqyrjes inspektive do të njoftojnë Drejtoratin për Shërbime Publike Mbrojtje dhe Shpëtim dhe do t'i prezantojnë provat për rastet për të cilat duhet të fillohet procedura për revokim dhe marrje të licencës.

IV. CAKTIMI DHE DHËNIA NË SHFRYTËZIM E VENDPARKINGJEVE

Neni 10 Vendparkingjet

1.Për kryerjen e veprimtarisë të bartjes së udhëtarëve me automjete taksi, Komuna siguron dhe mirëmbanë Vendparkingjet për qëndrimin e automjeteve taksi për marrjen e udhëtarëve për personat fizik, ndërsa për personat juridik vendqëndrimi për automjetet taksi nuk sigurohet nga Komuna por nga vetë personat juridik.

2.Kryetari i Komunës, në propozim të Drejtoratit për Planifikim, Urbanizëm dhe Mbrojtje të Medisit dhe Drejtoratit për Shërbime Publike Mbrojtje dhe Shpëtim me Vendim përcakton lokacionet për vendparkingje dhe numrin e automjeteve që mund të vendosen në vendparkingje.

3. Në hyrje të vendparkingut duhet të vendoset shenja vertikale me mbishkrim "TAXI".

Neni 11 Caktimi i vendparkingjeve

1.Vendet për qëndrimin e automjeteve për marrjen e udhëtarëve në vendparkingun e caktuar për automjete taksi, do t'u jepen në shfrytëzim operatorëve të licencuar për këtë vendparking.

2. Automjetet taksi, renditen në vendparking sipas kohës së arritjes.

3.Operatorët e licencuar për automjete taksi, për shfrytëzimin e autoparkingjeve duhet të paguajnë taksën vjetore sipas Rregullores për Taksat Komunale.

4.Operatorët obligohen ti kryejnë obligimet e pagesës për vendqëndrim në vendparkingje brenda afatit prej katër muajve duke filluar nga data 01.01 deri më 30.04 të vitit përkatës.

5. Drejtorati për Shërbime Publike Mbrojtje dhe Shpëtim e njofton Drejtoratin për Inspeksion përkatësisht inspektorët e trafikut në rast se operatorët nuk i kryejnë obligimet sipas par. 4 të këtij neni.

6.Inspektorët e trafikut pas marrjes së njoftimit nga Drejtorati për Shërbime Publike Mbrojtje dhe Shpëtim do ta urdhërojnë operatorin me procesverbal që brenda afatit prej 15 ditësh ta kryejnë obligimin e pagesës.

7.Për operatorët të cilë nuk i kryejnë obligimet e pagesës edhe pas kalimit të afatit të përcaktuar me paragrafin paraprak Komuna do të bëjë ekzekutimin përmes procedurave përmbarimore.

V. USHTRIMI I VEPRIMTARISË

Neni 12 Kushtet për automjetet taksi

1. Për t'u pajisur me licencë operatorët taksi përveq dokumentacionit të dorëzuar për licencim duhet ti plotësojnë këto kushte:

1.1 Operatorët të cilët operojnë në qytetin e Lipjanit të kenë të ngjyrosur automjetin me ngjyrë të përzgjedhur nga operatori me kusht që automjetit t'i vendoset një shirit identifikues me ngjyrë bardhë e zi në formë katore, ndërsa operatorët të cilët operojnë në Aeroportin Ndërkombëtar "Adem Jashri" të kenë të ngjyrosur automjetin me ngjyrë të bardhë, të regjistruar, teknikisht në gjendje të rregulltë si dhe pa dëmtime në pjesën e jashtme dhe të brendshme të automjetit,

1.2 të posedojë taksimetritin e vendosur në automjet në gjendje të rregulltë, i bazhdaruar nga organi kompetent,

1.3 të ketë të vendosur mbi kabinë paralel me erëmbrojtësin tabelën me dimensione standarde e paisur për ndriqim natën me shenjën "TAXI",

1.4 të posedojë aparatin për fikjen e zjarrit,

1.5 të posedojë sistemin e ngrohjes dhe të ventilimit.

2. Në automjet, drejtuesi i automjetit, përveq Certifikatës mbi regjistrimin e automjetit dhe patent shoferit, duhet të posedojë :

2.1 Kopjen e Licencës,

2.2 Çmimoren e shërbimeve.

Neni 13

Transporti i udhëtarëve

1.Transporti i udhëtarëve në automjetet taksi bëhet: nga vendparkingjet e destinuara për automjete taksi, sipas thirrjeve të udhëtarëve me mjete të komunikimit (me telefon) nga vendi i caktuar nga udhëtari dhe kur automjeti është në lëvizje, me kërkesë të udhëtarit për t'u ndalur, në vendin e lejuar në të cilin nuk rrezikohet komunikacioni.

2.Drejtuesi i automjetit në autoparking duhet të qëndrojë në automjet për marrjen e udhëtarëve.

3. Operatori nuk ka të drejtë të qëndrojë për marrje të udhëtarëve në vendndaljet e destinuara për autobus.

Neni 14

Çmimorja e shërbimeve

1. Operatorët duhet të përcaktojnë Çmimoren e shërbimeve.

2. Çmimorja vendoset në automjet afër taksimetrit në vend të përshtatshëm për t'u lexuar nga udhëtari.

3. Operatori për shërbimet e transportit i jep udhëtarit dëshminë mbi kryerjen e pagesës.

Neni 15

Ndalesat gjatë ushtrimit të veprimtarisë

1. Gjatë transportit të udhëtarëve me automjete taksi nuk është e lejuar:

1.1 Vendosja dhe qëndrimi i automjeteve për pranimin e udhëtarëve jashtë vendparkingjeve për automjete taksi për personat fizik,

1.2 Kryerja e transportit të udhëtarëve pa Licencë dhe pa vend të përcaktuar për qëndrim të automjetit në vendparkingjet për automjete taksi,

1.3 Zbritja e udhëtarëve në vendndaljet e autobusëve,

1.4 Bartja e udhëtarëve - fëmijëve nën moshën 6 vjeqare pa përcjellës,

1.5 Bartja e udhëtarëve nën ndikim të alkoolit dhe të narkotikëve,

1.6 Vendosja në automjet e relacionit dhe emërtimit të vendit të udhëtimit,

- 1.7 Vendorsja e reklamave në automjet,
- 1.8 Hijezimi i dritareve të automjetit,
- 1.9 Pranimi i më tepër se 4 udhëtarëve,
- 1.10 Bartja udhëtarëve pa tabelën taksi,
- 1.11 Marrja e udhëtarëve jashtë territorit të Komunës,
- 1.12 Bartja e mallrave, kafshëve dhe shpezëve ,
- 1.13 Pirja e duhanit në automjet dhe
- 1.14 Përdorimi i mjeteve audiovizuele me zë të lartë.

VI. EVIDENCAT

Neni 16 Regjistri i licencave

1. Drejtorati për shërbime publike në formë fizike dhe elektronike mbanë Regjistrin e Licencave të operatorëve për ushtrimin e veprimtarisë me automjete taksi.

2. Regjistri i licencave përmbanë:

- 2.1 Numrin e licencës,
- 2.2 Datën e licencës,
- 2.3 Emërtimin e operatorit,
- 2.4 Kohëzgjatjen e licencës.

VII. DETYRAT PËR ZBATIMIN E RREGULLORES

Neni 17 Obligimet e organeve të Komunës

1. Drejtorati i shërbimeve publike dhe organet tjera të administratës së Komunës në kuadër të kompetencave, në pajtim me ligjin dhe me këtë rregullore kanë obligim për ndërmarrjen e masave dhe nxjerrjen e akteve për zbatimin e kësaj rregulloreje.

2. Drejtorati i Inspektoratit – Inspektorët e trafikut duhet të informojnë me shkrim Drejtoratin e shërbimeve publike mbi masat e ndërmarra të mbikëqyrjes inspektive për zbatimin e kësaj Rregulloreje.

Neni 18 Obligimet e operatorëve

Operatorët, transportin e udhëtarëve me automjete taksi duhet ta kryejnë në pajtim me Ligjin për Transportin rrugor dhe me këtë Rregullore.

VIII. MASAT PËR MOSRRESPEKTIMIN E RREGULLORES

Neni 19
Masat ndëshkuese

Inspektorët komunal të trafikut, përveq masave të parapara me dispozitat e Ligjit për Transportin Rrugor, shqiptojnë gjobë mandatore në pajtim me dispozitat e Ligjit për Kundërvajtje ndaj operatorëve dhe personave të cilët, në kundërshtim me dispozitat e kësaj Rregulloreje, ushtrojnë veprimtarinë e transportit të udhëtarëve me automjete taksi.

IX. PROCEDURA E ANKESAVE

Neni 20
Kërkesa për rishqyrtim dhe ankesa

Pala e pakënaqur me Vendimet e Drejtoratit për Shërbime publike , Mbrojtje dhe Shpëtim të nxjerra në pajtim me këtë Rregullore mund të parashetrojë ankesë organit të shkallës së dytë përkatësisht Komisionit komunal për ankesa të formuar me Vendim të Kryetarit të Komunës me mandat 4 vjeçar. Vendimet e komisionit të ankesave janë përfundimtare në procedurë administrative.

X. DISPOZITAT PËRFUNDIMTARE

Neni 21
Hyrja në fuqi

1. Kjo Rregullore hynë në fuqi 7 ditë pas publikimit në faqen elektronike të Komunës.
2. Me hyrjen në fuqi të kësaj Rregulloreje shfuqizohet Rregullorja për transportin e udhëtarëve me automjete taksi 15Nr.011-29428 e datës 02.05.2019 dhe Rregullorja Nr. 15-345-70953 e datës 31.10.2019 për ndryshimet dhe plotësimin e Rregullores për transportin e udhëtarëve me automjete taksi 15Nr.011-29429 e datës 02.05.2019.

Arsyetimi

Baza juridike për të propozuar miratimin e Rregullores është e përcaktuar me dispozitat e nenit 58 të Ligjit për Vetëqeverisjen Lokale dhe nenit 40 të Statutit të Komunës së Lipjanit.

Baza juridike për të miratuar këtë Rregullore është e përcaktuar me dispozitat e neneve 12 par. 12.2 pika c, 14 par. 14.1 dhe nenit 40 par. 40.2 pika a) të Ligjit për Vetëqeverisjen Lokale Nr. 03/L-040, Gazeta Zyrtare e Republikës së Kosovës nr. 28 e datës 4 qershor 2008, neneve 9 dhe 20 par. 1 të Statutit të Komunës së Lipjanit 15Nr. 110-78095 i datës 24.12.2021.

Me dispozitën e nenit 32 par. 5 të Ligjit për Transportin rrugor parashihet që Komuna të nxjerrë rregullore të veçantë për mënyrën e kryerjes së transportit të udhëtarëve me taksi.

Me dispozitat e nenit 7 par.1, 2 dhe 8 të Ligjit për Transportin rrugor parashihet që veprimtaria e transportit rrugor të udhëtarëve me taksi të kryhet në bazë të Licencës që u lëshohet operatorëve në pajtim me Ligjin dhe me akt nënligjor të miratuar nga Komuna.

Duke u bazuar në dispozitat e lartëcekura, në Kapitullin I - Dispozitat e përgjithëshme, me nenin 1 është përcaktuar qëllimi i miratimit të Rregullores që Komuna të krijoj kushte për ofrimin e shërbimeve të transportit të udhëtarëve dhe të rregulloj mënyrën e kryerjes së veprimtarisë të personave fizik dhe juridik të regjistruar për transportin e udhëtarëve me automjete taksi.

Me dispozitën e nenit 2 të Rregullores propozohen çështjet të rregullim:

Subjektet për ushtrimin e veprimtarisë së transportit të udhëtarëve me automjete taksi, Licenca dhe kushtet për lëshimin e Licencës, procedura e lëshimit, revokimit dhe e marrjes së të Licencës, caktimi dhe dhënia në shfrytëzim e vendparkingjeve, ushtrimi i veprimtarisë, evidencat, detyrat për zbatimin e rregullores, masat për mosrespektimin e rregullores, procedura e ankesave dhe dispozitat përfundimtare.

Në kapitujt II dhe III propozohen: Licenca dhe kushtet për lëshimin e licencës dhe Procedura e lëshimit, revokimit dhe e marrjes së licencës.

Në kapitujt IV dhe V propozohen: Caktimi dhe dhënia në shfrytëzim e vendparkingjeve dhe Ushtrimi i veprimtarisë.

Në kapitullin VI parashifet obligimi i Drejtoratit për shërbime publike për të mbajtur evidencat - Regjistrin për Licencat e operatorëve dhe Regjistrin e automjeteve taksi.

Në kapitullin VII propozohen: Detyrat për zbatimin e Rregullores, në Kapitullin VIII Masat për mosrespektimin e Rregullores, në kapitullin IX Procedura e ankesave në Vendimet e Dejtoratit për shërbime publike Mbrojtje dhe Shpëtim dhe të Inspektorit të Trafikut.

Në kapitullin X propozohen Dispozitat përfundimtare.


Kjo Propozim Rregullore është miratuar paraprakisht në seancën e Kuvendit të Komunës të mbajtur me datë 31.05.2023 mirëpo në procedurë të rishqyrtimit të ligjshmërisë nga ana e Ministrisë së Mjedisit, Planifikimit, Hapësinor dhe Infrastrukturës me shkresën e MMPHI nr. 4868 të datës 12.06.2023 është rekomandur korigjimi i paragrafit të dytë të nenit 20 , në lidhje me çështjen e dyshkallshmërisë e cila është kërkuar të konsumohet brenda institucionit të Komunës e jo siq theksohet në paragrafin 2 që kundër Vendimit të Komisionit Komunal për ankesa, pala e pakënaqur të ketë të drejtë ankese në Ministrinë së Mjedisit, Planifikimit, Hapësinor dhe Infrastrukturës.

Duke u bazuar në rekomandimin e cekur kemi bërë një riformulim të paragrafit 1 të nenit 20 ndërsa paragrafin 2 të këtij neni i cili është kontestuar nga MMPHI është fshirë në terësi.

Në pajtim me dispozitat e cekura ligjore, kërkojmë nga Kuvendi i Komunës miratimin e kësaj Propozim - Rregulloreje.

Nr. 1-345/02-31265
Lipjan, më 16.06.2023





DL
1+90
4868
18.06.23

Republika e Kosovës
Republika Kosovo - Republic of Kosovo
Qeveria - Vlada - Government

Ministria e Mjedisit, Planifikimit Hapësinor dhe Infrastrukturës
Ministarstvo Životne Sredine, Prostornog Planiranja i Infrastrukture
Ministry of Environment, Spatial Planning and Infrastructure DL-62

	Për: z. Imri Ahmeti, Kryetar i Komunës së Lipjanit z. Daut Azemi, Kryesues i Kuvendit Komunal të Lipjanit
Kopje:	z. Elbert Krasniqi, Ministër i MAPL z. Fehmi Zena, Zv. Sekretar i Përgjithshëm në MAPL
Përmes:	z. Hysen Durmishi, Zv. Ministër i MMPHI-së. z. Izedin Bytyqi, Zëvendësues i Sekretarit të Përgjithshëm të MMPHI-së.
Nga:	znj. Florije Boshnjaku, Drejtore e Departamentit Ligjor
Zyrtarët përgjegjës:	Florije Boshnjaku,
1. Zyrtari hartues i vlerësimit ligjor	
Lënda:	Kërkesë për RISHQYRTIMIN e Ligjshmërisë së Rregullores me Nr.15-345/02-27905 për Transportin e Udhëtareve me Automjete taksi
Lloji i aktit:	Rregullorja Nr.15-345/02-27905 për Transportin e Udhëtareve me Automjete Taksi, miratuar nga KK Lipjan

Të nderuar

Ministria e Mjedisit, Planifikimit Hapësinor dhe Infrastrukturës(në tekstin e mëtejshëm: MMPHI), në bazë të Rregullores (QRK) Nr. 06/2021 për Ndryshimin dhe Plotësimin e Rregullores (QRK) Nr.10/2019 për Shqyrtimin Administrativ të Akteve të Komunave, në bazë të kompetencave ligjore të ministries të përcaktuar me ligjet bazike dhe Rregulloren (QRK) Nr. 02/2021 për Fushat e Përgjegjësisë Administrative të Zyrës së Kryeministrit dhe Ministrive, Departamenti Ligjor (në tekstin e mëtejshëm: DL) I MMPHI ka pranuar nga MAPL-ja kërkesën për shqyrtimin të detyrueshëm të ligjshërisë së aktit ashtu siç parashihet me nenin 81 të Ligjit Nr.03/L-40 për Vetëqeverisje Lokale, bazuar në kërkesën me nr. 0-458 për shqyrtimin e ligjshmërisë së Rregullorja Nr.15-345/02-27905 për Transportin e Udhëtareve me Automjete Taksi, miratuar nga KK Lipjan.


MMPHI-ja, pas shqyrtimit të përmbajtjes së Rregullorja Nr.15-345/02-27905 për Transportin e Udhëtareve me Automjete Taksi, miratuar nga KK Lipjan me datën 31.05.2023 duke vlerësuar se kompetencat e nivelit Lokal dhe Qendror janë të përcaktuar me Ligjin nr. 04/L-179 për Transportin Rrugor , si dhe në bazë të vlerësimit profesional, të departamentit përkatës, gjegjësisht Departamentit për Transport Tokësor ku ceket se, Pas analizimit me kujdes të Rregullorës së Transportit Taxi të Komunës së Lipjanit dhe në vështrim të Ligjit nr.04/L-179 për Transportin Rrugor dhe legjislacionin sekondar, konfirmojmë se nga këndvështrimi profesional nuk kemi ndonjë koment në substancë pasi që e njëjta i plotëson standartet ligjore dhe profesionale për rregullimin e transportit komunal brenda komunës së respektive me përjashtim të nenit 20 të paragrafi 2 në lidhje me çështjen e dy shkallshmerise e cila duhet të konsumohet brenda institucionit të Komunës gjegjëse.

Andaj I rekomandojmë Kuvendit të Komunës së Lipjanit:

Rishqyrtimin e Ligjshmërisë së aktit- Rregullorës me Nr.15-345/02-27905 për Transportin e Udhëtareve me Automjete Taksi, miratuar nga KK Lipjan.

Bazuar në të cekurat më lart, MMPHI-ja i rekomandon KK Lipjanit që ti ndërmarr veprimet konkrete që aktin e komunës ta harmonizojë me Ligjin mbi Procedurën e Përgjithshme Administrative.

Ligji me Nr.05/L-031 për Procedurën e Përgjithshme Administrative rregullon qartazi çështjen e Parimit të dyshkallshëmirs I cili përcakton se një proces administrativ I filluar nga një organ administrativ duhet të përfundojë në organin e njëjtë nëse nuk është përcaktuar shprehimisht me ligj.



Prandaj mund të konkludojmë se ka pengesa ligjore për zbatimin e kësaj Rregullore nga ana e komunës së Lipjanit.

MMPHI (MI) - DL mbetet në dispoziton të Komunës dhe MAPL-së, për çfarë do sqarimi të mëtejshëm lidhur me këtë vlerësimi.

Me respekt !

